



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XLIX. Audite hæc omnes gentes.

urn:nbn:de:hbz:466:1-44993

- 9 Vrbe, quam PRINCEPS DEVS ipse condidit
Vltor & firmans fouet, VSQVE in æuum:
- 10 Quin tua nos te DEVS ò manemus
A Ede benignum.
- 11 Quà riuum perfert cita fama nomen,
Constat extremis tua laus in orbis.
Finibus, iusti tua namque & æqui
Dextera plena est.
- 12 Iudice & ius te referente lætus
Mons Sion, Iudæ & soboles puellæ
Certa plaudentes cecinere grata
Carmina voce.
- 13 Ambitus crebros properate in orbem, &
Turribus quantus numerus Sionis
- 14 Discite attenti, valideque vt exister
Murus & arces.
Audiat vestro soboles futura ex
- 15 Ore, vt hic noster DEVS est PATRONVS,
Exitus faultos duce quo feremus
Tempore in omni.

P S A L M V S XLIX.

Audite hæc omnes gentes.

BONORVM ET MALORVM EXITVS.

1 Ad præstantem, filiis Coreh Psalmus.

Ode Dicolos Distrophos.

- 2 **A**vdite hæc populi auribus,
Orbis qui incolitis quadrifidi domos;
- 3 Adæ vos genus infimum,
Summorumque etiam progenies virum:
Quisquis diuitiis valet,
Vel quem semper egens pauperies premit.
- 4 Prudens quas sapientias
Cor dictat, meditans proferet os meum:
- 5 Auri exempla canam mea;
Edam ænigma sacri murmure barbiti.
- 6 Nam cur temporibus malis
Vallatus timeam, finibus aut meis?
- 7 Hæc illi metuant, quibus
Res & percelebres spem cumulant opes:
- 8 Nullum nam redimet suus
Frater, nec pretiis excipiet DE O.

- 9 Vitæ cara redemptio est,
Et quæ victa cadit perpetuò irrita.
- 10 Viuet, scilicet, omnibus
Sæclis, nec tumulos sentiet aut rogos.
- 11 Hic spectet sapientium
Funus perpetuò viuus & integer!
Immo, stultus & insciens,
Decretum stabile est, vt pereant simul.
Tunc quæ parca laboribus
Res multis fuerat, cedit ad alteros.
- 12 Illis pectore in intimo
Aedes perpetuas pollicitis sibi,
Et sedes soboli inclytæ;
Quas non diruerint sæcula plurimæ
Illis nomina in vrbibus
Et fundata locis constiterant sua.
- 13 At fors non homini dabit,
Ornatu vt celebri permaneat diu;
Ergo vt quadrupedum genus,
Abscissi variis intereunt modis.
- 14 Illis stultitiæ via hæc
Quàm stulta: vsque volens posteritas probat.
- 15 Hos inum in barathrum vt pecus
Cogens mors adiget; queis præerunt pij
Cum lux fulserit ac dies.
Deturbata verusque his species ruct,
Aula quos propria exules
Orcus terrifico suscipiet specu:
- 16 Vitam sed redimet D E V S
Semper me excipiens de barathro meam.
- 17 Nullum tu metuas virum,
Aut quem clara domus, diuitiæ aut beant;
- 18 Nam nil is moriens feret;
Quem tandem ipsa comes gloria deferet:
- 19 Hæc dum vita manet breuis,
Ad summum fruitur sollicitis bonis.
Tunc re plausibus excipit
Vulgus, dum fruëris, lautiùs atque agis.
- 20 Cumque ad sæcla parentium
Huius vita venit, perpetuò manet
Luce exclusus, & exteris
Conclusus tenebris cum grege lurido.

21 Hæc totis TERRIGENIS data,
Quos dementat agens præcipites honor;
Vt ceu quadrupedum genus
Scindantur variis & pereant malis.

PSALMVS I.

Deus deorum Dominus.

EVANGELII TRVTVNA.

Psalmus Assaph.

Carmen Tricolon Tetraastrophon.

- I**AS DEVS, qui & FORTIS, auens loqui,
Terram vocatam cominus arguet;
Sol vnde primo lucet ortu;
Quaque subit nitida ora celans.
- 2 Ille & decoris summa potens DEVS
Monte è Sionis promicuit sacro,
Noster DEVS non ille surdo aut
Numine perueniet silente.
- 3 Absimet ignis præuius asperum,
Sordensque quidquid comperiet, citus;
Circumque consurgens procella
Cuncta rucas penitus mouebit.
- 4 Cælos vocabit protinus editos,
Terramque certo non refugam loco,
Testes peracti nempe pacti, &
Iudicij huic populo seueri.
- 5 Dicet; Meos huc cogite nunc Pios
Mecum feriti foederis obsides,
Queis pacta firmavit probando
Sacra pecus iugulata ritu.
- 6 Cæli probabunt iustitiam Dei
Nunc vsque prompti dicere: Iudicem
Audite me ius proloquentem
Vos popule ò mihi iam dicite.
- 7 Testata iura en persequar, Israël,
Tecum est quod actor nunc mihi postulem;
Scis me DEVM, scis PRAESIDENTEM
Esse tuum; tibi scis PATRONVM.
- 8 Non ipse raras arguo victimas
Quas parcus aris intuleris meis;
Non vsta totis infrequenter
Sacra mihi reperenda membris.